

Tusarniaanermi ilassutitut akissummut Oqaaseqaat *pillugu* inunnik isumaginninnermi kommunit malittarisanik aqtsinerannik atorunnaarsitsigallarsin-naanermik Inatsisartut inatsisissaattut siunnersuut

Isumaginninnermi malittarisassanik kommunit ingerlatsinerannik atorunnaarsitsigallarsin-naanermik Inatsisartut inatsisissaattut siunnersummut oqaaseqaatit 29-issaat nangillugu, Ilaqtariinnermut, Naligiissitaanermut, Isumaginninnermut Inatsisinillu Atuutsitsinermut Naalakkersuisoqarfimmiit 26. maj 2016 qinnuigineqarpunga, inatsisilerituumiit Anders Valentiner-Branth-imiit 24. maj 2016 inatsisissatut sinnersummut ilanngussatut suliaanut, Kommuneqarfik Sermersup Borgmesterianiit 25. maj 2016 ilassutitut akissuteqarneq, oqaaseqarfifgeqqullugu.

Kommunip tusarniaanermut akissummimi – aammalu oqaaseqaat 24. maj 2016-imeersoq aallaavigalugu – inatsisissatut siunnersummut innersuussutit arlaqartut qaqlerpai, ilaatigut inatsisinut tunngassuteqarnerusut, allallu allaffissornikkut ingerlatsinerup tunngaviuneru-sumik naapertuuttumik qanoq ingerlanneqarsinnaanerinut tunngassuteqartut. Kingullertigut soorlu innersuussutigineqarluni, inunnik isumaginninnerup iluani Naalakkersuisut inatsisitigut sumiissusersiutitut najoqqutassamik suliaqassasut.

Inatsisissap suliarinerata ingerlariingaatsiarnera piffissallu periarfissarisap sivikinnera peq-qutigalugit, oqaaseqaatinni sammvigissavakka inatsisinut tunnganerusortai, tunngaviuneru-sumillu sammivilimmik oqaaseqaatinut atasumik maluginiarpara, qaqlikkat isumaliutigillu-agarpasimmata allannguutissatullu siunnersuutip piviusunngortinniarneranut siunissamilu susassaqarfiup sukateriffigeqqinnejarnissaanut atatissallugit piukkunnaateqarmata.

Tulliuttutigut ima oqaaseqaateqassaanga:

Kommunip akuusutut inisisimanera

Kommunip innersuussutigaa, inatsisip suliareeqqaarneranut atasumik erseqqissaassutigine-qassasoq, inatsisitugt kommunit oqartussaanerinik atorunnaarsitsigallartarnerit kommunit ataasiakkaatut suliamut atasumik akuusutut inisisimanerat, taamalu taama aalajangerneq eqpartuussuvitsigut misilinneqarsinnaassasoq.

Siunnersuutikkut anguniarneqarpoq, inunnik isumaginninnermi malittarisassanik kommunit aqtsinerannik atorunnaarsitsigallarsinnaanermi suleriutsitut taakkartorneqartoq, allaffissor-

nikkut ingerlatsinermi aalajangiisarnerni piumasaqaatinut naapertuuttoq. Ilaatigut aqtsiner-mik atorunnaarsitsigallarniarnermut atasumik kommunit ataasiakkaat tusarniarneqartarneri-nut aammalu atorunnaarsitsigallarniarnermut tunngavilersuisussaatitaaneq eqqarsaatigalu-git. Taamaattumik erseqissaassuteqarnerunissaq peqqutissaqarsorinanngilaq.

Nalinginnaasumik sulianik ingerlatsinermut atasumik maleruaqqusat naapertorlugit, tassa inatsisisstatut siunnersuummi oqaaseqatigiinnut attuumassuteqanngitsumik, nalinginnaasumik kommunit ataasiakkaatut inatsisitigut soqutigisarissavaat, aqtsinissamik atorunnaarsitsigallarnermik aalajangernerup eqqartuusivitsigut misilinneqarnissaa. Tigussaasumik suiliami kommune inatsisitigut naammattunik soqutigisaqarneranik apeqqut, eqqartuussiviit namminneq nalilersuivigisussaallugu.

Inatsisisstatut siunnersuummi § 7 b, imm. 1

Kommunip innersuussutigaa, § 7 b, imm. 1, inatsisisstatut siunnersuummiit peerneqassasoq.

Inatsisisstatut siunnersuummi § 7 b, imm. 1 naapertorlugu, Naalakkersuisut periarfissaqar-put, inunnik isumaginninnermi maleruaqqusanik ingerlatsinermi kommunalbestyrelse qil-lersuisumik najoqqtassiussallugu. Naliliinera unaalluni, aalajangersakkap peernissaa inat-sisitigut tunngavissaqanngitsoq.

Aalajangersakkap peernissaanik innersuussuteqarnermi, annermik tunngavilersuutigineqar-poq, allaffissornikkut ingerlatsinermi tunngaviusut ilaat, tassalu nalilersuinerit inatsisiliun-neqarsinnaannginnerat.

Nalilersuinerit inatsisiliuunneqarsinnaannginnerannik tunngaviusumik maleruaqqusaq taa-mattoq atorneqarneq ajorpoq suliani makkutut ittuni; soorlu inatsisiliortut inatsisiliorner-mut atasumik puimasaqaatigippassuk, susassaqarfiup iluani qilersuisumik najoqqtassiorto-qarsinnaasoq.

Nalilersuinerit inatsisiliuunneqarsinnaannginnerannik tunngaviusumik maleruaqqusaq ator-neqartapoq, allaffissornikkut ingerlatsiviit tigussaasumik aalajangiinitik nalilersuinernik tunngaveqartissagaat inatsisitigut piumasaqaataappat. Taama aalajangersaasoqarsimmatillu-gu, nalilersuineq inatsisiliuunneqarsinnaanngilaq, tamatumal u kiguneralugu suliamut atasu-mik tigussaasumik aalajangiinermi pisussaaffigalugu eqqumaffissat minillugit suliamti aala-jangiisinaassuseqarneq. Akerlianik inatsisiliortut allaffissornikkut ingerlatsivik pisinnaa-tipassuk, susassaqarfiup iluani qilersuisumik najoqqtassiorsinnaasoq, immini oqaatigisu-mik najoqqtassiorsinnaanermut inerteqqut atuutinngilaq.

Inatsisisstatut siunnersuutip atorunnaarsitsigallartarnermut periusissiissutaa

Qulaani taaneqartut nangillugit maluginiarpara kommunip innersuussutigaa, siunnersuutip atorunnaarsitsigallartarnermik periusissiissuta taarserneqassasoq periutsitut taasamik Call-in' imik:

Inatsisisstatut siunnersuutip qitiusumik isumaliutitut toqqammavigaa, Naalakkersuisut periarfissaqartut tigussaasumik aalajangiisinhaaginnaratik, aammali kommunip pineqartup kiliffianut naapertuuttunik eqaannerusumik aaqqiissuteqarsinnaanerat, ilaatigut kommunip inunnik isumaginnitoqarfiata allaffissornikkut ingerlatsinerata ilaannakortumik atorunnaarsineqarsinnaanera, taamalu communalbestyrelsip allaffissornikkut ingerlatsivianut pituttusumik susassaqarfimmut najoqqutassiornikkut imaluunniit tamakkiisumik ilaannakortumil- luunniit susassaqarfiup iluani communalbestyrelsip oqartussaaffiinik tigusinikkut.

Taamatut inatsisisitigut sukaterineq – susassaqarfiup iluani pisarialimmik eqaannerusumik suleriuseqalernissamik siunertaqartoq – 29. marts 2016 oqaaseqaatikkut nassuaatigeriikkattuut tunngaviusumik inatsimmut kalluaasuunngilaq imaluunniit immikkut ittuunani.

Periuseq Call-in atussagaanni, inatsisisstatut siunnersuut tunngaviusumik annertuumik killiliivigineqassaaq allannguivigineqarlunilu. Taamaattumik periuseq Call-in Naalakkersuisut eqaassutsimik ujartuinerannut matussusiinavianiingilaq, uffa inatsisisstatut siunnersuutip ilu- aquitissartai tunngavilersuutaalu tassaniippiartut.

Inatsisisstatut siunnersuut tassungalu piareersaatit

Tulliullugu kommunip innersuussutigaa, inatsisisstatut siunnersuut naleqqussarneqassasoq, inatsisisstatut siunnersuummut atsumik piareersaatini paasinnittaatsimut atorneqartumut naapertuuttunngorlugu.

Piffisap periarfissarititaasup sivikinnera peqqutigalguu, pissutissaqarsimanngilanga inatsisisstatut siunnersuummut atsumik piareersatit tamakkiisumik qimerluuataassallugit. Tunngaviusumik naliliinera unaavoq, inatsisisstatut siunnersummi oqaaseqatigiit atorneqartut inatsisisstatut siunnersuummut atsumik piareersaatinut naapertuulluartut. Nalinginnaasuuvoq inatsisiliornikkut periutsit naapertorlugit, inatsimmi oqaaseqatigiit atorneqartut nerutunerusnerat tunngaviusuunerusarnerallu, aammalu inatsimmut atsumik piareersaatitigut aalajangersakkat ataasiakkaat pillugit oqaasertaliussat erseqqissarnerigut tunngavilerneqartnererat. Taaneqartut peqqutigalugit isumaqanngilanga, innersuussutigineqartoq suliamut attuumassuteqartuusoq.

Qaqugukkut atorunnaarsitsigallartoqarsinnaava?

Ilanngullugu kommunimiit innersuussutigineqarpoq, erseqqissumik isummerfigineqassasoq, atorunnaarsitsigallarneq taamaallaat pisinnaassasoq, kommune inatsisinik unioqqutitsisimappat.

Inatsisisstatut siunnersuummi § 7 a, imm. 1-ikkut erseqqissarneqarpoq, atorunnaarsitsigallar-neq taamaallaat pisinnaasoq "kommunip pisussaaffimminik imaluunniit innuttaasut pisin-naatitaaffiinik pingaarutilimmik eqqortitsinngippat". Tamanna siullertut ima paassillugu, inatsisitigut aalajangersakkatigut kommunit pisussaaffimminik eqqortitsinngippata, imaluunniit allaffisornermi ingerlatsinermi tunngaviusumik maleruaqqusat eqqortinnejanganngippata. Kommune toqqaannartumik inatsisitigut pisussaaffimminut akerliusumik iliuu-seqarpat imaluunniit allaffisornermi ingerlatsinermi tunngaviusumik maleruaqqusat naapertorlugit suliat ingerlannejanganngippata, kommune unioqqutitsisumik sulisimasutut naliler-neqassaaq. Tassunga atasumik erseqqissaanerunissaq pisariaqarsorinanngilaq.

Inuk pillugu paasissutit maleruaqqusaatigut siuttoqarnikkullu unammilligassartai

Kiisalu kommunip tusarniaanermi inatsisisstatut siunnersuummut atasumik akissuteqaatimi-ni, inuk pillugu paasissutit maleruaqqusaatigut aammalu siuttoqarnikkut unammilligassat tikippai.

Inuk pillugu paasissutit maleruaqqusaannut atasumik unammilligassatut oqaatigineqarpoq, ullumikkut danskit inuk pillugu paasissutit maleruaqqusatut atugaannut nallersuuttumik Kalaallit Nunaanni inuk pillugu paasissutinut maleruaqqusaqanngitsoq, takuuk inatsit nr. 9, 31. maj 2000-imeersoq. Kalaallit Nunaanni inuk pillugu paasissutinut maleruaqqusaliassaq danskit inuk pillugu paasissutinut maleruaqqusaliaannut assingusoq atuutilersinneqarsin-naappat, paasissutit inummut tunngasorpiaat kommunimit pineqartumiit Naalakkersuisunut ingerlateqqinnejarsinnaanerat inatsisitigut tunngavissaqassaaq. Danmarkimi atuuttut assi-galugit - takuuk inuk pillugu paasissutit pisortat allaffornikkut ingerlatsiviini suliarine-qartut illersorneqarnerat pillugu nalunaarut nr. 528, 15. juni 2000-imeersoq – ilimanaatilim-mik sillimaneq pillugu qaavatigut nalunaarusiortoqassaaq, attaveqaatitigut atortorissaaruser-suinermi aammalu allaffisornermi ingerlatsinikkut sukaterinermi tunngaviusumik inuk pillugu paasissutit illersorneqarnissaannik qulakkeerinnittumik. Tamatuminnga erseqqin-ne-rusumik ilusilersuineq isummerfigineqassaaq, nutaamik sukaterineq saqqummerpat. Danskit inuk pillugu paasissutinut inatsiliaat assigalugu, una periusissiatut saqqummiussakkut peri-utsinik allanik mattussineq killeqarpoq, Kalaallit Nunaannili inuk pillugu paasissutit iller-sorneqarnerinut atasumik siunissami maleruaqqusaliornikkut, uuma inatsisip piviusunngor-tinniarnera tessani aalajangersaanerup killileeratarsinnaavaa.

Siuttoqarnikkut unammilligassanut atasumik naatsersuutigaara, inatsisisstatut siunnersuutip iluaniittoq, kommunimut pineqartumut Naalakkersuisut suliakkiisinjaasut; § 7 b, imm. 1 najoqqutaralugu kommunip sulisuisa kommunimi qullersaminniit siulersorneqarlutik mali-tassaannik tunngaviusumik najoqqutassiornikkut pisinnaalluni, imaluunniit kommunit oqar-tussaaffiinik Naalakkersuisut tigusineragut, taamalu susassaqarfip iluani kommunip mali-tassaanik aalajangersaasinnaanngornikkut.

Inatsisissatut siunnersuummi pineqanngilaq, Naalakkersuisut ataanni sulisut ataasiakkaat ti-gussaasumik sulianut atasumik kommunimi sulisunut peqqusisarnissaat.

Oqaatigineqartut tunngavigalugit isumaqanngilanga, inatsisissatut siunnersuutikkut inuk pil-lugu paasissutinut maleruaqqusaq unammillerneqartoq imaluunniit siuttoqarnikkut unam-milligassatut taasat, inatsisinut attuumassuteqanngitsut.

Ataatsimut isigalugu naliliinera unaavoq, 25. maj 2016 tusarniaanermut atasumik kommu-nip akissuttaa, ilanngullugu 24. maj 2016 oqaaqaseqaat, inatsisissatut siunnersuutip allan-gortinnissaanut pissutissaqalersitsinngitsut.

København, ulloq 28. maj 2016
Advokatfirmaet Poul Schmith

v/Sune Fugleholm
– *Partner, Advokat (H)*